

UGOVOR

o rekreativnim uslugama članova sindikalnih i drugih organizacija
zaključen u Sarajevu između:

JP „Olimpijski bazen Otoka“, d.o.o.	Sarajevo	Bulevar Meše Selimovića 83-b
Telefon br. 033 773 850	Fax.br.	033 773 874
ID br. 4201330820004	Rješ. o reg. br.	065-0-Reg-08-001089
Račun br. 338-690-223327-4959	Banka: UniCredit bank dd Sarajevo	
Koga zastupa: <u>Avdija Hasanović, direktor</u>		
(u daljem tekstu: Olimpijski bazen Otoka).		

Sindikat doktora medicine i stomatologije Kantona Sarajevo	SARAJEVO	Bulevar Meše Selimovića 81 B
Telefon br. 061/854-576	Fax.br.	/
ID br. 420231190001	Rješ. o reg. br.	03-03-05-13761-16
Račun br. 101-104-007412-5349	Banka: Privredna banka d.d. Sarajevo	
Koga zastupa: <u>Prim. dr Izet Hočko</u>		
(u daljem tekstu: Korisnik usluga).		

Član 1.

U cilju realizacije rekreacije Korisnika usluga, ugovorne strane su se dogovorile da se ovim ugovorom regulišu slijedeće prostorno - tehničke usluge:

- A. Olimpijski bazen Otoka će Korisniku usluga ustupiti na korištenje slijedeće prostore sa pripadajućom opremom:
- Obilježeni prostor za rekreativce u bazenu;
 - Teretanu, Fitnes salu;
 - Sauna od 12.00 do 21.00 sata;
 - Odgovarajući prostor svlačionice sa tuševima;
 - Sanitarne čvorove
- B. Olimpijski bazen Otoka osigurava i stručno tehničko osoblje za opsluživanje:
- Elektroinstalacija
 - Rasvjete
 - Klimatizacije
 - Hidroinstalacija
 - Segmenta opšteg održavanja
- C. Olimpijski bazen Otoka će o svom trošku organizovati:
- Obezbeđenje prostora
 - Tekuće održavanje
 - Čišćenje i odvoz smeća i dezinfekciju prostora (čišćenja prostora od smeća koje nije odloženo u za to predviđeno mjesto je obaveza Korisnika usluga)

Član 2.

Neograničeno je korištenje pomenutih sadržaja, bazena, teretane i fitnes sale u periodu od 07.00 do 23.00 sata, sauna se može koristiti u periodu od 12.00 do 21.00 sat.

Član 3.

- a) Visine cijena pojedinačnih karti za članove sindikalnih organizacija za korištenje rekreativnih usluga - bazena, teretane i fitnes sale:
- Mjesečna pojedinačna karta za korištenje bazena, teretane i fitnes sale prva kupovina u koju je uključena i magnetna kartica 60,00 KM, svaka naredna kupovina 50,00 KM.
 - Polugodišnja pojedinačna karta za korištenje bazena, teretane i fitnes sale; Prva kupovina 200,00 KM u koju je uključena i magnetna kartica, svaka naredna kupovina cijena 190,00KM.
 - Godišnja pojedinačna karta za korištenje bazena, teretane i fitnes sale; ... 340,00 KM u cijenu je uključena i magnetna kartica.

-Neograničeno korištenja pomenutih sadržaja svaki dan u vremenu od 07,00 do 23,00 sata.

-Sindikalnu kartu može koristiti i jedan član uže porodice (supružnici i djeca) isključivo pojedinačno, uz prijavu podataka tog člana koji će koristiti sindikalnu kartu, pri kupovini sindikalne karte na blagajni J.P.“Olimpijski bazen Otoka“ d.o.o. Sarajevo.

• **U cijene je ukalkulisan PDV-e.**

- b) Korisnik usluga je obavezan dostaviti sindikalni spisak svojih članova, koji se po potrebi može i dopunjavati, na recepciju JP“Olimpijski bazen Otoka“d.o.o Sarajevo.
- Svaka zloupotreba sindikalnih karti mimo predviđenih pravila bi će sankcionisana oduzimanjem iste.

Član 4.

Obaveze Korisnika usluga su:

- da svu opremu i rekvizite koji su vlasništvo Olimpijskog bazena Otoka koristi na način dobrog domaćina;
- da nadoknadi eventualnu štetu koja nastane na stvarima, opremi, instalacijama i objektu a koju su prouzrokovali članovi Korisnika usluga;
- da predmetni prostor iz člana 1. ovog ugovora koristi isključivo za ugovorenu namjenu treniranja, bez korištenja za druge namjene;
- da ovlaštenom licu Olimpijskog bazena Otoka dostavi spisak sa imenima i osnovnim podacima za lica koja će voditi treninge i posebno za lica koje će biti ovlašteno lica Korisnika usluga;
- da svoje zahtjeve i obavještenja o svim promjenama obavezno dostavlja u pisanoj formi;

Član 5.

Korisnik usluga je odgovoran:

- za pridržavanje slijedećeg protokola korištenja prostora Olimpijskog bazena Otoka:
 - o Prilikom ulaska u objekat obavezno je posjedovanje odgovarajuće opreme;
 - o Poslije treninga obavezno je vraćanje ključeva od ormara;
 - o U slučaju učinjene štete napraviti će se zapisnik sa domaćinom o učinjenoj šteti.
- lica koja prisustvuju treningu obavezno se kreću dogovorenim hodnim linijama, na način da njihovo kretanje ne ometa odvijanje drugih sadržaja u objektu niti da se ugrozi bezbjednost lica koja prisustvuju treningu, drugih korisnika objekta i samog objekta;
- da se lica koja koriste usluge bazena se ponašaju u skladu sa „Kućnim redom i pravilima ponašanja“ objekta, te da se pridržavaju pravila o protivpožarnoj zaštiti i zaštiti na radu.

Član 6.

Ovaj ugovor se potpisuje na period od godinu dana i teče od dana potpisivanja. Ako jedna od ugovornih strana ne ispunjava svoje ugovorne obaveze, druga strana može jednostrano raskinuti ovaj ugovor uz prethodnu pisanu najavu.

Član 7.

U slučaju spora sporazumne strane će sve nesporazume pokušati riješiti mirnim putem, a ukoliko u tome ne uspiju, utvrđuje se mjesna nadležnost stvarno nadležnog suda u Sarajevu.

Član 8.


Ovaj ugovor sačinjen je u četiri (4) istovjetna primjerka na dvije stranice sa devet (9) članova, od kojih svaki primjerak ima vrijednost originala, a svaka ugovorna strana zadržava po dva (2) primjerka.

Član 9.

Ugovorne stranke su pročitale i razumjele ovaj ugovor, te izjavljuju da isti predstavlja izraz njihovih stvarnih volja te ga u to ime i potpisuju.

Sindikat doktora medicine i stomatologije KS

Prim. dr Izet Hočko
Predsjednik UO SDMiSKS



Broj: 113/22
Sarajevo, 05.07.2022. god.



JP“Olimpijski bazen Otoka d.o.o. Sarajevo

Avdija Hasanović, direktor

Broj: 02-1-96672
Sarajevo, 05.07.2022. god.